

Heem-hure

Went ich huur wie ze
Uëver Limburg kalle
En wie ze uëver
Os plat valle
Dan vroag
ich mich aaf
Lÿj blief toch
doa vanaaf
Gank ins durch
os sjoëen durp lópe
Onger de loeënde klókke,
die dich röpe
Om noa dat
Limburgs landj te goa
Dat is mien heemet en
Dat is vuur mich te versjtoa
Jan Halmans

De heulenteut

i-Geveldj en de buusjrandj zuus te de heulenteut grujje
In de moandj juni is hea uëveral a 't blujje
Dit is inne gans biezonjere en geneeskrachtige sjroek
Vreuger hoalde me doa va alles oet
Vieër donge os ee klabus droet sijnje
En sjoate mit ekele noa alle zieje
Dizze sjtroek head zoeëvuël gooi egesjappe
Me mot zich doa ins get bloome va pakke
En doa zelf saap va make
Mit water deed 't es limmenaad sjmaake
Besse, bas, de blaar alles woeërd gebroek
De heulenteut is terech inne biezonjere sjroek
Jan van Haaf

In de ban van de vakantie!

Jieëder joar is 't weer zoeë wiet,
Dan is 't weer vakantietied.
Juli en Augustus zunt traditioneel,
Es vakantiemoande één geheel!
D'r ene noa de angere geet dan,
D'r tusje oet, es 't effe kan!
Sommige hubbe 't dan noch vuur zich,
Die hubbe in september een vakantiegezicht!
Mér in 't vuurtraject kin-ste diene lol al op,
Dan sjeet waal ins 't gezin op d'r kop!
Went woeë heër geet de rees dit joar?
Dan begint al 't ieësjte bezjwaor!
Zon, cultuur, fieëste, sjtrandj, auto, vlege of bus?
Hotel, camping, huuske, pension is de vroag aldus!
't Oetzeuke van de besjtumming is ooch 'n fieës,

En lieëvert altied op inne sjoëne prieës!
Neet alleen de buësj wieërd getorpedeerd,
Ooch 't vruije begint dan, dat is gans get weërd!
Mos-te dich loate inente of 'n nuuj koffer hubbe?
Nuuj zjwumsjpulle?, vreëm geldj?, van al om uëver te dubbe!
Bekieke wat d'r allemoal te doen is en te beleëve,
Joa, vuur dat-ste gees, begint al 't vakantieleëve!
En is d'r daag van 't vertrik dan eenmoal gekomme,
Mos-te flot goan genete en 't dich good loate bekomme!
Went helaas zoeë wie dat in 't leëve geet,
Is ooch vakantie get dat neet vuur altied besjteet!
In de ban van de vakantie zunt vier 'n hieële tied,
Doa noa is d'r de herinnering, die wille vier neet kwiet!
De bagage van ozze leëvesweëg vulle vier doa mit aan,
En hopelijk kinne vier d'r dan weer 'n joar teëge aan!
Ron Logister.

De kroeedwusj

Besjtong oeët versjillende soorte wieël bloome zoeë es hommelskroeed,
kolbloom, zemp, hummekneupkes, St.Jansbloom, en boerewormkroeed,
Mer oog 't doeëzendblaad, helmkroeed en get oare van haver, terf, en koare,
Woeërte gezejn es onkroeed en sjtonge doa al joare,
Same mit nog èè paar anger wiel plante,
Plökde v'r deij in augustus es v'r doeër 't veldj leepe te lanterfante,

Dat kroed woeërd biejee gebonje,
En op 15 Augustus, mit Maria Hiejmelvaart mit noa de kirk genomme,
Aan 't begin van de hoeëmês ding de Pasjtoeër de Kroeedwusj zeagene,
Mer oog de luuj woeërte mit dat zelfde Wiejwater bereagend,
Want de Pasjtoeër duujde de kwas zoeë deep mueëgelèk in 't wiejwater vaat,
En leep doomit sjlingerend va links noa rechts in de midde doeër 't kirkepaad,
De vrouluuj bukde zich dan want ze woare bang vueër hunne permanent,
Want oog gewiejt water is water woeë de permanent neet teage kènt,
Heem woeërd de kroeedwusj in de sjueër te druëge gehange,
En d'r woeërd get van gebroekt es een onweer woar ontsjtange,
Meestal hommeld en bliksemd 't zoeëmers en in de herfst,
De luuj woare dan doeëdsbang, en bliksem vonge ze 't ergst,
Mennig hoeës of sjtal woar iejder al doeër bliksem geraakt,
En doeër brandj tot de grondj geliejc gemaakt,
De luuj geleufde in de kracht van dea gezeagende wusj kroeed,
En trokke es 't bliksemde get tekskes d'r tusje oeët,
Duujde get papier in de kachel en dinge diej verbrenne,
En leepe mit de roeëzkrans i gen henj doeër 't hoeës te renne,
Es 't onweer vueërbiej woar, en 't leed woar gelèje,
Dankde ze Oeëze Leve Hiejr op hun bloeëte kneëje.

Jan Theunissen

Zoeëmerweer

Naksje kleijer
Korte rukskes

Bloeëte bee
Sjoon oane sukskes
Naksje ruk
Navel bloeët
Broene bee
Bakke roeëd
Zoeë zjweëve ze
Doeër de sjtroate heer
Wat hout ich toch
Van dat zoeëmerweer
Wiel Roeselers

Twieë vusje

Twieë vusje zitte in inne kómp
en zjwumme rónk en rónk.
Ich kiek d'r noa en vroag mich aaf,
weer van die twieë zou,
't menke zien en weer de vrouw?

Dat kin ich neet zeen zag geer mesjien,
weer is noe d'r Sjeng en weer 't Katrien?
Num de proof ins óp de sóm,
en werp get voor ins in d'r kómp,
hapt d'r Sjeng dan mót dat 't menke zien
hapt 't vruike , dan is dat 't Katrien

ich hoap dat 't heimit dudelig is,
d'r aad en sekse van d'r vusj.
Thei Janssen †

Eëzelzvuüle

Noe loesterd ins good wart ich uch vertelle goa
Gank noeëts achter inne drachtige eëzel sjtoa
En wenste 't toch dees en der eëzel zal koekeloare
Dam mint heë, zioeën jonk is al sjtiekem geboare!
Jan Halmans

De voeëgel kieësj

Ich woar mit d'r fiets a 't toere
En dreumde vuur mich heer
En genoot va de blauwe hieëmel
't woar gans sjoen weer

Lang doerde dat neet
Opins veel ich op mien naas
Miene fiets roetsjte voert
Ich woar um neet mieë de baas

Doa sjtong inne voeëgelkieësj boom
Vlak a de weag sjtong dea gepoat
Zien kieësj leete mich roetsje

En veel mit d'r fiets op sjtroat

Miene fiets woar kapot
En ooch d'r linker illeboag
De fiets dea moosj ich sjleepe
En 't loope ging gans troag

Es ich noe a dae fietsweag
Dea voeëgelkieësj zieë sjtoa
En da sjtap ich aaf
En doeë dat sjtuk te voot goa

Jan van Haaf

Vakantie

Vakantietied, sjoeëne tied,
Alle sjtress rake v'r dan weer kwiet!
Effekes weg van d'r baas,
En mit de rechtervoot vol op 't gaas!
Geen gezever en gene druk,
Op zeuk noa het groeëte vakantiegeluk!
V'r trikke d'r mit 't hieële gezin op oet,
En loate os boet vuur inne kieër de boet!
Ganz Europa trikke v'r doer,
En litte noch op minuut noch op oer!
V'r willen dan hieël veel beleëve,
En vual geneete van het leëve!

Ron Logister

Oeés Moeédertaal

Es kindj onthils-ste wueërd diej de Mam teage dich sjprook,
Dat neuëmd me de moeédertaal diej alle records sjloog,
Later op sjoeël liejrt me oog Holles sjpreake,
Mer de taal diej Mam dich liejrde deez-te noeëts vergeate,

Wens-te doeër 't dörp gees,
Huusj-te de luuj spreake das-ste versjtees,
want ziej sjpreake oog wiej ze 't höbbe geliejrd,
En 't accent verloochend neet, zelfs wens-te honderd wieëjs,

lejder dörp heat ziejn èëge oeëtsjproak van wueërd,
Dat vilt drek op es-me de luuj kalle hueèrt,
Loate v'r sjtolz zin op dat sjtökske cultuur,
Es 't mot goan v'r doa vueèr doeër 't vueèr.

Jan Theunissen

Wonjer van 't leëve

Wanjele in de buusj
Trampele doer ge veld
Genete van de sjtilte
Een weëre mit de welt

De klene dinger zieën
´n Blumke wat de kop opsjikt
Of ´n eekheuëreke
Wat zich in inne boom versjikt

De symfonie huëre
In ´t ritsele van blaar
´t Roesje van de beëk
En ´t fleute van ´n voeëgelpaar

Dat allemoale kinne zieën
Kinne huëre, veule, beleëve
Dat s toch ´t wonjer
´t Wonjer van ´t leëve
Wiel Roeselers

Kuuëtele raape

Noa de oeërlog boewde zich veuël luuj eene verkes-sjtal en hauw men al ee bietje mès. Ooch hauwe de meeste luuj een beerpöt, doa zoot ooch gòwwe mès in. Mer toch woar dat ummer te wieëning òm alles in de koeëlef good te loate wasse. In dae tieëd hauwste nog veuël paerd i gen dörp en diej loote alles valle op de sjtroat. Òm eene paesj-kuuëtel woeërd zich gehòwwe. Kènjer en ouwere voeërte mèt kuuëtele-kerkes ròndj, òm diej kuuëtele op te sjöpfe. De kènjer kreege vuuër ee vòl kerke ee dubbeltje; dat woar veuël geldj
Joep Rademaekesj haet van 't kuuëtele-kerke en 't raape va kuuëtele nog ee leedje gemak:

Loope, renne, vaege
doa ònge ligkt een riej
Doa kump mich geene taenge
ich woar 't ieësj d'r bie
En went de kar da vòl is
da goan ich weer noa heem
Dan hób ich mèt diej kar vòl mès
alweer ee dubbeltje verdeend.

Lej Dohmen

Twieë durper

Tussje ouw boerehöaf en sjeef brikkemoere
Vief nui kirke en inne ouwe toere
Rumpe en Broenssem is geboare
Twieë durpkes verloare
Houwe ze ´t doe good bedach
E één kirk in ´t midde gelag
Vier gonge hei-op prat
En vier houwe noe één sjtad gehad!
Jan Halmans

‘t vlegend hert

Ee reuze vlegend hert is op de rotonde neergesjtrieëke
Minnigee blief sjtoa en deed d'r noa kieke

In de hoale weeg hubbe ze zich neergezat
En hubbe d'r weeg doavuër aafgezat
Vreuger zoat hea zelfs i-de gaard
Koste noch mujte wieërd gesjpaard
Om dizze keaver va de ongergank te redde
Of 't geet lukke doa-uëver deed me wedde
Me vrieëg zich aaf zuut me ze I Ongerbanke vleege
Mer die deere kump me bijnoa neet mieë teage
Dit initiatief verdeend ee diekke ploem
In Ongerbanke ontvange ze roem

Jan van Haaf.

'n Zoeëmesj Terras

In de zoeëmer zitte v'r geer op 'n terras,
Dan veule vier os ganz in ozze sas!
Jieëdereë heët dan ooch goeij zin,
En vrieëgt d'r kastelein "Sjud nog ins in!"
En omdat de daag in de zoeëmer langer lieke,
Kinne v'r os alles ins good bekieke!
Want al die meëdjes zunt dan luchtig gekleid,
En v'r bekieke os dan geheid,
Wie al die meëdjes vuërbie flanere,
Joa good gehumeurd vuërbie paradere!
Links en rechts wille v'r ooch nog waal ins sjanse,
En dat gieëf os vanzelf allerhande kansel!
Joa die zoeëmesj zunt os op ' lief gesjrieëve,
En dat maag van os nog lang zoeë blieve!

Ron Logister

De koolmeeskes zint aan 't lokke

In Meij lèkt iejder vuëgelke èè eij, zag de meester op sjoel al,
Mer de meeste vuëgelkes zitte dan al te bruije in de sjtal,
In miejrt zint de koolmeeskes al aan 't lokke,
Ze goan dan op zeuk noa èè gesjikt plekske, dat wuërd knokke,
In dat nèske lèkt 't vrujke de èijkes, soms viejf sjtök,
Zoeëlang es 't deed bruije is 't in dat kuujke neet te drök,
Mer drij weake later es de jonge oet komme,
Sjlinkt de ruimte sjnel in hun ongerkomme,
Ze ziejn neet wea bij hun in 't nèske likt,
En veule alleen es de auwesj hun een wurmke in de bek sjtikt,
Acht daag later goan hun eugskes oape,
Dan zieën ze wea hun dat wurmke in de bek how gesjtoake,
Tweij weake later loeëre ze doeër 't geatje en wille droet,
En kort doa noa sjloan ze hun vluëgelkes oet.

Jan Theunissen

't Leëve is besjieëte

Wens-te geboare wurs
Hauwe ze dich oppe vot
Begins-te dan te keëke

Lache ze zich kapot

Doe wurs gewessje
En gesjroeht
En has intussje
In de koop gepoept

Ze pungele dich get aa
En drieëje dich in ene dook
Wurs de kamer rondj gedrage
Bis in jieëdere hook

Ummer bie 'n anger tant
Teëge boeëzem of oppe sjoëët
Wurs gepungeld en geduujd
Veuls dich inne erme kloeët

Al flot has-te in de gate
De maneer om dich droet te riete
Is hieël flot en mit behei
Der luijer vol te sjiete

Doe bis opgeluch
Gans effe has-te rau
Mer dat verengerd dan
Toch nog gans gauw

De ganse famielje kumt kieke
Went jieëderree mot 't wete
Of dats-te pratsj of
Ene richzige kuttel has gesjete

Wies-te ooch ummer geprieëze woeërst
Op ins mos-te in de hook sjoan
Omdats-te, wie gewind
't in de boks has gedoan

't Mot op 'n putje in volle glorie
In de kamer mit dien bloeëte bakke
De ganse famielje der omheër
Zoeë kint toch nieëmes ordentlich kakke

Noaheër mos-te noa 't huuske
Op zonne pot hoeëg van de grondj
Doe wiebbels get op der bril
En zaks mit de vot in de sjtrontj
Wurs-te get ouwer, gees wirke
Kries-te al op diene nek
Went es jonge keel
Begins-te in der drek

Zoeë sjravels doe joare
Has dich de ruk uëver gerieëte
Bis dats-te noa vieftig joar mirks
Dien pensjoeën is besjieëte

In de kliniek dien litste joare
Me dinkt; deë makt 't toch neet mit
Mer me mirkt verdomde good
Went me in ziene ege sjtront zit

Zoeë kums-te drachter
Wie 't sjpreëkwoeërd is ontsjtange
Dat al ieëwe wurdt oetgesjproake
Zoeëlang de miensj had besjtange
Ich hub 't ooch al begrieëpe
Egelik van 't begin al gewete
Wens-te 't good bekieks
Is 't ganse leëve besjete

Wiel Roeselers